



Broj: 12/08-23-10060-7/23
Zenica, 16.08.2023. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14 i 59/22), Zapisnika o pregledu i ocjeni ponuda, broj: 12/08-23-10060-5/23 od 11.08.2023. godine, u otvorenom postupku javne nabavke za radove broj: 1417-1-3-10-3-16/23 od 30.06.2023. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste, donosi:

ODLUKU

o izboru najpovoljnijeg ponuđača za LOT 2

I

U otvorenom postupku javne nabavke radova broj: 1417-1-3-10-3-16/23 od 30.06.2023. godine za **LOT-2 Sanacija klizišta na R468 Olovo-Sokolac** ponuda ponuđača „**POROBIĆ**“ d.o.o. Zavidovići (broj: 01-08/23 od 01.08.2023. godine) sa ukupno ponuđenom cijenom od **228.920,50 KM** (bez uračunatog PDV-a) izabrana je kao najpovoljnija.

II

Ponuđač „**POROBIĆ**“ d.o.o. Zavidovići (ID broj: 4218228760005), adresa Radnička ulica bb, 72220 Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14 i 59/22) navedene u tačkama 12.3.1. i 12.5.2. a) tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14 i 59/22) ugovorni organ zaključit će Ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda ponuđača MUŠINBEGOVIĆ-GRADNJA d.o.o. Visoko, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se, jer nije potpuna i ne ispunjava zahtjeve iz tenderske dokumentacije.

IV

Ova odluka objavit će se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-10060/23 od 30.06.2023. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14 i 59/22). Obavještenje o nabavci broj: 1417-1-3-10-3-16/23 objavljeno je na Portalu javnih nabavki 30.06.2023. godine.

Komisija za javne nabavke imenovana rješenjem broj: 12/08-23-10060-2/23 od 31.07.2023. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda 01.08.2023. godine do 12:00 sati pristiglo je 7 (sedam) ponude, od toga za LOT-2 pristigle 2 (dvije) ponude.

U periodu od 01.08.2023. godine do 11.08.2023. godine, Komisija je postupku pregleda i ocjene pristiglih ponuda utvrdila da se ponuda ponuđača **MUŠINBEGOVIĆ-GRADNJA d.o.o. Visoko** odbacuje jer ponuđač nije dostavio dokaze na način propisan tačkom 12.6.1. tenderske dokumentacije. Naime, u dostavljenoj Izjavi o radnom iskustvu i radnom vremenu (puno ili nepuno radno vrijeme) ponuđač navodi da Gluhić Fahrudin ima 2 godine, 5 mjeseci i 9 dana radnog iskustva na poslovima diplomiranog inženjera građevine, iz čega se jasno i nedvojbeno može zaključiti da Izjava po sadržaju ne odgovara zadanim uslovima iz tenderske dokumentacije. Pored navedene Izjave, za dokazivanje radnog iskustva, ponuđač je dostavio i potvrde od drugih poslodavaca za Gluhić Fahrudina, ali što Komisija nije mogla uvažiti obzirom ova vrsta dokaza nije propisana tenderskom dokumentacijom.

Također utvrđeno je da u dijelu Izjave o ispunjavanju uslova iz člana 51. - Prilog V, podaci o Gluhić Fahrudinu ne odgovaraju podacima na kopiji diplome istoga. Naime, na predmetnoj Izjavi se navodi da je Gluhić Fahrudin završio drugi ciklus bolonjskog sistema obrazovanja (magistar), dok u diplomi stoji da je isti završio prvi ciklus dodiplomskog studija (240 ECTS). Zbog navedene neusaglašenosti, Komisija ovaj dokaz nije prihvatila kao validan.

Zbog svega naprijed navedenog ponuda ponuđača **MUŠINBEGOVIĆ-GRADNJA d.o.o. Visoko**, u skladu sa članom 68. Zakona o javnim nabavkama BiH („Službeni glasnik BiH“ broj: 39/14 i 59/22) odbacuje jer nije potpuna i ne ispunjava zahtjeve iz tenderske dokumentacije.

U skladu sa uslovima za učešće, obaveznim elementima ponude i tehničkim karakteristikama, Komisija je utvrdila da ponuda ponuđača „**POROBIĆ**“ d.o.o. Zavidovići ispunjavaja sve postavljene uslove, te obzirom da je samo jedna prihvatljiva ponuda za LOT 2, provođenje E-aukcije nije zakazano.

U skladu sa tačkom 22. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rang lista	LOT 2 Ponuđač	Cijena ponude sa popustom bez PDV-a
1.	POROBIĆ d.o.o. Zavidovići	228.920,50

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude LOT-2 za ponuđača **POROBIĆ d.o.o. Zavidovići**. Ugovorni organ je prihvatio preporuku Komisije za javne nabavke da se najpovoljnijem ponuđaču **POROBIĆ d.o.o. Zavidovići** dodijeli Ugovor za radove **LOT-2: Sanacija klizišta na R468 Olovo-Sokolac**.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14 i 59/22).

Prilozi:

- Zapisnik o pregledu i ocjeni ponuda

Dostavljeno:

- ponuđačima za LOT-2,
- a/a.

